

I HAN ES ZÜNDHÖLZLI AZÜNDT – MANI MATTER (1936 – 1972)

© Zytglogge Verlag

C
I han es Zündhölzli azündt
G7
und das het e Flamme gäh
Am
und i ha für d>Zigarette
E
welle Fүүr vom Hölzli näh
F
aber ds Hölzli isch dervo-
C
gspickt und uf e Teppich cho
G7 **C**
und es hätt no fasch es Loch i Teppic gäh dervo

ja me weis was cha passiere
we me nid ufpasst mit Fүүr
und für d>Gluet ar Zigarette
isch e Teppich doch de z>tүүr
und vom Teppich hätt o Grus
chönne ds Fүүr is ganze Hus
und wär weis, was da nid alles no wär worde drus

s>hätt e Brand gäh im Quartier
und s>hätti d>Fүүrwehr müesse cho
hättid ghornet i de Strasse
und dr Schluuch vom Wage gno
und sie hätte Wasser gsprützt
und das hätt de glych nüt gnützt
und die ganze Stadt hätt brönnt, es hätt se nüt meh
gschützt

und d>Lüt wären umegsprunge
i dr Angscht um Hab und Guet
hätte gmeint s>heig eine Fүүr gleit
hätte ds Sturmgwehr gno ir Wuet
alls hätt brüelet: Wär isch tschuld?
ds ganze Land i eim Tumult
dass me gschosse hätt uf d>Bundesrät am Rednerpult

d>UNO hätt interveniert
und d>UNO-Gägner sofort o
für ir Schwyz dr Fride z>rette
wäred beid mit Panzer cho
s>hätt sech usdehnt nadisna
uf Europa, Afrika
s>hätt e Wältchrieg gäh und d>Mönschheit wär jitz
nümme da

I han es Zündhölzli azündt
und das het e Flamme gäh
und i ha für d>Zigarette
welle Fүүr vom Hölzli näh
aber ds Hölzli isch dervo-
gspickt und uf de Teppich cho -
Gottseidank dass i>s vom Teppich wider furt ha gno